

Oqaluuserisassanut nassuiaat

(Inatsisartut Siulittaasuat)

Siunnersuuteqartup oqaluuserisassaatini immikkoortut 179-itut normulik UPA2023-mut kinguartippaa. Immikkoortoq ullumi oqaluuserineqartussaagaluarpoq.

Immikkoortup 179-ip qulequtaraa: Qanoq iliorluta Aningaasanut inatsit aqutigalugu Inuit malunnaatilimmik nersortarialimmillu inuiaqatigiit akornanni suliniuteqarsimasut, aamma takutitsisartut ilanngullugit, inuunermik sinnerani Inatsisartut aqutigalugit pisartagaqartalersissinnaanerit pillugu apeqquteqaat aallaavigalugu oqallinnissamik siunnersuut.

Naalackersuisut ulloq 21. november 2022 ukiakkut ataatsimiinnermi inatsisissatut siunnersuummik nutaamik oqaluuserisassanut ilanngussisoqarnissaanik qinnuteqarput.

2020-mi coronamik ajornartorsiuteqarnermit misilittakkat innersuussutigalugit inuiaqatigiinni ajornartoortoqartillugu tuaviortumik ajornartoornermilu inatsisiliortoqartariaqalersillugu Inatsisartut inatsisiliorsinnaanissaat qularnaarniarlugu inatsisissatut siunnersuummik saqqummiussaqaarnissartik Naalackersuisut kissaatigaat.

Immikkoortup ulloq 24. november pingajussaaniigassanngorlugu oqaluuserisassanut ilanngunneqarnissaa Suleriaatsimut Ataatsimiititaliap akueraa.

Immikkoortoq oqaluuserisassani immikkoortut 185-itut nutaatut ilanngunneqarpoq qulequtaralugu: Inatsisartut Naalackersuisullu pillugit Inatsisartut inatsisaata allanngortinneqarnera pillugu Inatsisartut inatsisaat (Inatsisartut elektroniskimik ataatsimiittarnissaannut periarfissaq)

Suleriaatsimut Ataatsimiititaliap tamatumunnga atatillugu taamatuttaaq oqaluuserisassanut suli immikkoortumik nutaamik ataatsimik ilanngussisoqarnissaa akueraat, Naalackersuisut siunnersuutaanni piumasaqaatit suleriaatsimi aalajangersakkanik naammassinnissimanissaat qularnaarniarlugu.

Immikkoortup ulloq 24. november pingajussaaniigassanngorlugu oqaluuserisassanut ilanngunneqarnissaa Suleriaatsimut Ataatsimiititaliap akueraa,

Immikkoortoq oqaluuserisassani immikkoortut 186-itut nutaatut ilanngunneqarpoq qulequtaralugu: Inatsisartut Suleriaasiata allanngortinneqarnera (Immikkut ittumik ataatsimiittoqartillugu Inatsisartut ataatsimiinnerinut qarasaasiakkut peqataaneq)

Ilaasortat uku akornanni taasisarnerit pillugit isumaqatigiissuteqartoqarpoq:

Mariia Simonsen, Inuit Ataqtigiit aamma Paneeraq Olsen, Naleraq.

Asii Chemnitz Narup, Inuit Ataqtigiit aamma Aqqalu C. Jerimiassen, Atassut.

Harald Bianco, Inuit Ataqtigiit aamma Hans Enoksen, Naleraq.